

# Ленинэнь киява

ВЛКСМ-нь Мокшэрэнь обкомонт ды Саранскоень ошонь комитетэнь газетаст

ИЮНЕНЬ

12 чи,

1937 иэ

№ 66 (740)

ЛКС: 7-до но  
ЧНБ: 1937

## МЕЗДЕ СЕРМАДЫ „ПРАВДАСЬ“

Июнень 11-це чистэнь „Правдасо“ печатазь икельсе статья „Омбо масторонь буржуазной разведканть кризисэз“.

„Течи,—мерезь икельсе статья-сонть,—минь печататано СССР-нь Прокуратуранть извещения поличной марто кундазь 8 шпионтнэнь судс максомо. Омбо масторонь вейке государстванть наймитнэ, родинанть сех подлой изменийнэ, сынст ульнесь заданияст эсист азортнэнь пельде: весе доступной способнэсэ сеземс Робоче-Крестьянской Якстере Армиянть—СССР-нь народтнэнь вечкевикс детищанть виензэ, сеземс мирсэнь робочейтнэнь ды крестьянэнь социалистической вейкине государстванть виензэ. Тухачевский, Якир, Уборевич, Корк, Эйдемман, Фельдман, Примаков, Путьна—вана фашистской разведчиктнэнь те, ней тапазь шпионской ядранть участниктнэнь коломость презренной, а вечкевикс лемтне“.

„8 шпионтнэ,—сермады „Правдась“,—конат течи стить СССР-нь Верховной Судонь Специальной Судебной Присутствиянть икеле, ульнесь омбо масторонь вейке государстванть пек важной отрядокс, кона государствась ашти сехте активнэкс СССР-в шпионтнэнь кучнеманть коряс. Фашистской азортнэ те ядранть лангс пек кемилть, ды секс чаркодеви се дикой пижнемась, конань кепеди-зе буржуазной, сех пек фашистской печатэсь шпионской те банданть арестованонзо кувалт. Германской печатэсь, конань инспирировал антисоветской кенгелеманть коряс аволь а содавикс Геббельсэнь министерствась,—меельсе читнестэ апак лотксе пижни „СССР-сэ военной покштитнэнь смещениядо ды арестовакшномодо“, што бутто те чуть ли а ашти „советской властэнь кризисэкс“.

Кавксо шпионтнэнь разоблачениянть, фашистской печатэсь снартни невтемс, прок „советской властэнь лавшо чинзэ“. Неть пейдеманы сз-ставоматне приёмы-пильгинекек выдают фашистской печатэнь азортнэнь. Те банданть лангс таргамось ды сынст лангсо судось—советской строенть виензэ покшолманть ды несокрушимостэнь признак.

Фашистской адвокатнэсь прят аравтнить пейдема положенияс. Сынсь миненек кучнить эсист разведчикт, зардо жо советской властэнь органнэ сынст таргсесыз лангс, кувдсит эйсэст поличной марто, сестэ неть господатне рангить бесчеловечностедэнь, конань бутто проявляют шпионтнэнь. Ансяк сех наивной простактнэ могут реакционной пресанть неть пижнематнэнь примамс виде-парокс. Алкукс жо, кода парсте чаркодить весе здоровыслящей ломантне, неть рангоматне аштить аволь мезекскак лиякс, но емазь шпионтнэнь кис авардемакс, конатнэнь (шпионтнэнь) лангс ульнест покш кемемат.

Омбо масторонь вейке государстванть военно-шпионской мекельс ядранть тапамозо—покш вачкодъкс войнань кирвастицятнэнь ды сынст шпионост ланга, конат снартнэсть сеземе Якстере Армиянть виензэ ды СССР-нь народтнэнь теэмс урекс.

Те тапамось корты аволь Советской властэнь „кризисстэ“, но капиталистической мастортнэнь „разведкань кризисстэ“.

„Судось педе-пес ливтсынзе лангс,—сермады седе тов „Правдась“,—весе сест подлой китнэнь, методтнэнь, приеттнэнь, кофатнэсэ военно-шпионской группась арсесь тапамoine Якстере Армиянть, арсесь валомо рабоче-крестьянской верен лейтэ СССР-нть изнямонзо кис, помещиктнэнь ды капиталистнэнь властэнь мекев аравтамань кис. Зярдояка улит ютавтозь те сест подлой арсепатне. Советской Социалистической республикатнэнь ине Союзонть лемсэ, минек масторонь весе народтнэнь лемсэ Верховной Судонть Судебной Специальной Присутствиясь кеместэ чумондсы фашистской шпионской отребьянть сонзэ нулгодъксэв теиензэ коряс.

Минек родинань трудицятнэнь эндо пек покш ды священной ненавистэсь народонь врагтнэнь—шпионтнэнь, диверсантнэнь, вредительтнэнь, весе сетенэнь, кить арсит Советской цветицэ масторонть опоганить германско-японской фашизманы чинев кемсэнь. Советской народось те шпионской банданть педе-пес карми судамонзо Сталинской Конституциянь 133-це статьянь коряс, конанть кувалт „родинанть изменась: присяганть нарушениясь, врагонть пелев ютамось, государстванть военной виентэнь зыянонь теамась, шпионажось—наказавить закононть весе строгостензэ коряс, прок сехте стака злодеяния“.

„Советской разведканть бдительностэсь,—сермады меельс пелев „Правдась“,—НКВД-нь органтнэнь бдительностэст, Ежов ялганть марто прятвос, конань валонзо а явновить тевтнэстэ,—сезизь фашистской кавксо шпионтнэнь подлой тевет. Военно-шпионской группанть, конанть марто фашистнэнь ульнест сюлмавозь ламо кемемат, те тапамось—буржуазной разведкань кризисэнь, закатоить сех парсте невтема. Те разгромось корты, што СССР-в шпиононь ды диверсантонь кучомань эрва од снартомась карми улема тапазь эсь шкасто.

Советской разведкась кемелгады, касы, виими. Кадык сорныть весе шпионтнэ, диверсантнэ ды махтницятне. Советской разведкась невтсы мезес сон способной!“

(ТАСС).

## Тонавнтить Косарев ялганть докладонзо

Кочкурово. Ташто Мурзань комсомольской организациясь июнень 2-це чистэ ушодызе ВЛКСМ-нь ЦК-нь III-це пленумсо Косарев ял-

ганть докладонзо тонавнеманть. Те тонавнемасонть примить участия аволь союзной од ломанть-как.

133

Н. Саблин.

## Пелеве ено полюсонть советской экспедициянть участниктнэ



СНИМКАСОНТЬ: 1. Пелеве ено полюсонть экспедициянть начальничесь О. Ю. ШМИДТ ялгась; 2. Пелеве ено полюсонть экспедициянть начальни-кенть заместителесь М. И. ШЕВЕЛЕВ ялгась; 3. экспедициянть парторгось А. А. ДОГМАРОВ ялгась.

## „ПЕЛЕВЕ ЕНО ПОЛЮС“ СТАНЦИЯСЬ

Пелеве ено полюсось саезь кедьс-коморс. Самолетнэ тосто мекев ливтась Рудольфонь островонть. Полярной бассейнанть эйлангс кадовсь отважной ниле зимовщикт: Папанин, Кренкель, Ширшов ды Федоров ялгатне.

Арктиканть исследованиянть мировой историясонть васенцеде теезь научной полярной станция, кона карми ветямо наблюдения пелеве енксонь широтатнэсэ.

Те шкас полярной весе станциянть ульнест теезь Полярной бассейнанть побережьятнэсэ, лиякс меремс сонзэ окраинатнева. Секс сынсь не могли максомс сатышка материал Полярной бассейнасонть эйтнэнь распределениянь, формированиянь ды укшномань условиянеде. Те пек важной задачанть тейсы „Пелеве ено полюс“ станциясь.

Станциянть наблюдениязо пек важнойть погоданть коряс. Воздушнэ массатнэнь движениянть мельга неть наблюденияне, конат улит ютавтозь точной прибортнэсэ, максыть пек питней материал погодань предсказаниянть туртов. Пелеве ено полюсонть районсо эрва шкань якшавтоматнэнь кувалт таштавшныть кельме коштонь покш массат, конадо мерить „коштонь шапка“. Неть кельме массатне шкасто-шкас кармакшныть молема пеле чи енов (югов) ды тейнить якшавтома, пиземеть ды погоданть лия полавтневат.

Те кельме „коштонь шапканть“ пурнавомань ды покшолгадомань законтнэнь содамось лезды содамс погоданть ламодо седе икеле. Тень кувалт икеле уш можна содамс, кодат кармить улема велень хозяйствань иенть условияне. Тень карми улема пек покш значениязо минек велень хозяйстванть туртов.

Пелеве ено полюсонть трокс молить коштанть сех нурыкине китне, конат Советской Союзонть ды

Европанть сюлмить Американть марто. Пелеве ено полюсонь райононть трокс ливтамонтнэнь условиянть содамось максы возможность организовамс коштанть (воздушной) неть китнэнь.

Меельсекс, полюсонть маласо иневедень чудематнэнь содамось лезды седе видестэ икеле уш содамс эйтнэнь уемаст.

Истямо ладсо, полюссонть минек станциянть наблюденияне максыть пек питней материал. Неть наблюденияне лездыть Северной морской кинть теэмс ведень нормальна роботыця артериякс, конань эзга пароходтнэ ды корабляне кармить укшномо истя жо парсте ды опасностетне, кода пеле чи енга иневедень китнева.

Северной морской кись вейсэ истят покш лейтнэнь марто, кодат Енисеесэ, Ленасэ, Обосэ, лезды тенек теэмс кеме базавесе пелеве енксонь промышленной освоениянть туртов.

Советской пелеве енксонть покшолмазо 6 миллионть квадратной километрат ды тосо улит сырьань покш запаст. Тосо 700 миллиард тоннадо ламо кевень уголия. Тосо улит нефтяной кавто пек покш бассейн, медно-никелевой рудань, сиянь, кивень ды ламо лиянь пек покш месторождения.

Чаркодеви, што советской пелеве енксонть пек покш ролезэ карми улема СССР-нь народной хозяйствасонть.

Тедэ мейле чаркодеви, кодамо пек покш карми улема аволь ансяк научной, но истя жо народно-хозяйственной значениязо „Пелеве ено полюс“ станциянть.

Н. Н. УРВАНЦЕВ.  
Весесоюзной Арктической  
Институтонь директоронть  
заместителесэ.



# КОМСОМОЛСОНТЬ КОЧКАМОТНЕНЬ ПОРЯДКАДОНТЬ

## КЕВКСТНЕМАТНЕНЬ ЛАНГС ОТВЕТ

### 1. Кода улезэ анокстась кочкамонь промксось, обязательна ли эряви кунсолонс комсомолонь комитетэнтъ отчетонзо?

Кочкамонь промксось — покш события первичной организации эрямосонзо. Промкстонть икеле эряви ветьамс анокстамонь серьезной работа. Эряви парсте аравтомс „комсомольской хозяйстванть“, сех пек членской взнострень лово-манть ды пандоманть.

Промкстонть ютавтомань чиденть эряви эсь шкасто евамс весе комсомолетнэненъ. Специальной являвтомасо точна евамс промк-сонть ютавтомань чинть, часонть ды тарканть. Промкссонть эряви сермалемс весе пурнавозтнень (ВЛКСМ-нь члентнень башка, кандидаттненьгак башка). Промксон-тень эряви нолдамс ансяк комсо-мольской билеттнень эли времен-ной удостоверениятнень марто.

### 2. Можна ли секретарентъ кучомс лия таркав эли каямс роботасто кочкамотнеде икеле?

ВЛКСМ-нь ЦК-ась видстэ мерсь, што кочкамонь промкстонть икеле комитеттнень секретартнень куч-немс лияв роботамо эли каямс ро-ботасто а эряви. Могут улемс ан-сяк башка случайть, зярдю комсо-молетнэ эли вере аштиця коми-теттнэ ловить каямс роботасто те эли тона комсоргонть сень кис, бути сон колезь-колавозь ломань, врагтнэненъ лездыця эли полити-ческой кодамояк лия тевень кис.

Весе лия случайтнестэ, бути секретаресь эли комсоргось робо-

Аволь правомочнойкс ловови се промксось, конанень састь те эли тона организациянть комсомолет-нэнь кавто колмоцекс ( $\frac{2}{3}$ ) пель-ксэденть седе а ламо.

Комитетэнтъ отчетозо промк-стонть икеле улезэ кемекстась ко-митетэнтъ заседаниясо, цеховой, сменной, факультетской эли участ-ковой организациянть комсоргонть отчетозо — бюронъ заседаниясо. Отчетной докладонть теи комите-тэнь секретаресь эли комсоргось. Бути мекскак сынъ промкссонть не могут теемс отчетной доклад эли сынъ арасть, сестэ докладонъ тееме кармавтомс комитетэнь члентнэстэ киньгак эли бюронъ члентнэстэ вейкенъ.

тась беряньстэ, эзизе топавто ком-сомолетнэненъ кемемаст, конат сон-зэ кочкакшнызь, недостойн седе тов улемс организациянть руково-дителикс, сестэ сонзэ кувалт воп-росонть решамс комсомолетнэненъ икеле сонзэ отчетонзо мейле. Зак-рытой (тайной) голосованиянть ком-сомолетнэненъ лезды кочкамс ис-тямо секретарь, конась полити-ческой ды деловой качествахонзо коряс отведи весе требованияхон-нень.

### 3. Эряви ли тайной голосованиянъ коряс кочкамот ютавтомс истямо организациясонть, косо весемезэ 3—4—5 комсомолетц?

ВЛКСМ-нь ЦК-нь III-це плену-монть решенияхонь кармавтыть ве-се организацияхоньсэ ютавтомс коч-камот. Комсомолетнэнеде зяро бу-авольте уле, сынъ могут пурна-вомс вейс, кунсолонс эсист ком-соргонть отчетонзо, толковамс

сонзэ докладонзо ды теде мейле тайной голосованиясо, ВЛКСМ-нь ЦК-нть инструкциянзо коряс, коч-камс од комсорг. Голосованиянть результаттнень ловоманть туртов тесэ саты кочкамс вейке комсомо-лец.

### 4. Ловицятнеде, ловицянъ комиссиятнеде ды наяв ды тайной голосованиятнень результатост ловомадонть

Наяв (открытой) голосовани-янть результаттнень ловоманть туртов ловицятне эли вейке лови-цясь промкссонть тоско кочкавить ВЛКСМ-нь члентнэненъ эйстэ, пром-ксонъ президиумонть кочкамодо икеле.

Нетъ ловицятне эсист тевест (кандидатуратнень „кис“ ды „кар-шо“ вайгельтнень точной лова-манть) теить тайной голосовани-янть ушодовомс. Вайгельтнень ло-вомань результаттнень ловицятне евтасызь промкссонть.

Башка кочкави ловицянъ (счет-ной) комиссиясь ВЛКСМ-нь член-тнэненъ эйстэ. Сон лови тайной голосованиянть результаттнень. ВЛКСМ-нь ЦК-нть инструкциясон-зо мерезь: „Комсомольской орган-тнэс ды конференцияв делегаттнень кочкамотнень ютавтоманонть ике-ле комсомольской промксось эли конференциясь закрытой (тайной) голосованиянть результаттнень ло-воманть кис наяв голосованиясо кочки ловицянъ комиссия истянь ломаньстэ, зяро аравты промксось эли конференциясь“.

Ловицянъ комиссиянть робота-монь порядказо истямо. Ловицянъ комиссиянть члентнэненъ ютксто на-яв голосованиясо кочкави лова-циянъ комиссиянть председатель, конась кочкамотнеде икеле пром-

ксонть участниктнэненъ толкова-сы ВЛКСМ-нь ЦК-нть инструкци-янзо „Комсомольской органтнень кочкамотнень организовадонть“. Ловицянъ (счетной) комиссиясь аноксты кочкамонь ящикт, прове-рясыззе сынст, опечатает эли пек-стасы панжомас. Комитетэнтъ од состав кандидатуратнень эли кон-ференцияв делегаттнень спискат-нень президиумонть пельде полу-чамодонть мейле, ловицянъ комис-сиясь проверясыззе сынст виде-кчинть ды мейле списка максы пром-ксонть эрява участникентень, ко-нань ули решающей вайгелень правазо, лиякс меремс ВЛКСМ-нь члентнэненъ. ВЛКСМ-нь члентнэненъ регистрациянъ списканть тееви тешкс седе, што промксонть участ-никесь примась участия голосова-ниясонть.

Седе мейле, зярдю промксонть участниктнэ ящиктнэс сынсь нол-дасызь кочкамонь спискатнень, ло-вомань комиссиясь, ВЛКСМ-нь ЦК-нть инструкциянзо коряс, юта-вы голосованиянть результаттнень ловама.

Эрява кандидатурась, конась списканть кадось атак черк-ста, эли одс сермадозь эрява кан-дидатурась получи сонзэ „кис“ вайгель; черкстась эрява канди-

датурась получи сонзэ „каршо“ вайгель.

Ловомань комиссиясь голосова-ниянть результаттнень лови аволь ансяк сеть кандидатуратнень ко-ряс, конат тешкстазельтэ явшезь спискатнэсэ, но истя жо сетнень коряскак, конатнень голосованиянъ эрява участникесь одс сермадынзе спискас.

Ловицянъ комиссиясь теи про-

токол, конаньсэ улезэ сермадозь: ловицянъ комиссиянть составозо, зяро ломанть примась участия голосованиясонть, зяро вайгельтэ эрява кандидатурась получаь сонзэ „кис“ ды „каршо“, кие коч-казь сех ламо вайгельтнень коряс (зяро „кисэзэ“ ды „каршо“) ды кинь эряви одов голосовамс. Ло-вицянъ комиссиянть протоколзо ловнови промкссонть.

### 5. Кочкамонь промкстнэсэ ошонъ комитеттнэненъ, райкомтнэненъ представительтнень рольдест

Кочкамонь те эли тона промк-сонть ошонъ комитеттнэненъ ды райкомтнэненъ пельде сазь предста-вительтне целанек ответить промк-сонть порядканзо ды организо-ваннростензэ кис. Сынъ аволь ан-сяк должны, но обязаны улемс тайной голосованиянть пингстэ промкссонть, важност кочкамотне-стэ ВЛКСМ-нь ЦК-нть инструк-циянзо видестэ топавтоманть мель-га.

Ошонъ комитеттнэненъ, райком-тнэненъ руководителтьне ответить комитетэнтъ од составс ломань-

нень кочкамонть кис, сынъ могут ды эряви тест кортамс сеть кан-дидатуратнень каршо, конатнень сынъ ловить а маштовиксэкс. Промксонть тевезэ—кунсолонс ды онкстамс те эли тона ялганть „кис“ ды „каршо“ доводтнэненъ ды мейле парсте решамс, достоин ли те комсомолетцэс улемс кочказекс руководящей органонть составс.

Должен ли ошонъ комитетэнь эли райкомонъ представителесь истя жо улемс ловицянъ комис-сиянть заседаниясо? Арась.

### 6. Кода улемс, бути промксонть а кода кочкамс истянь кандидатурат, зяро тешкстась?

Кода улемс, бути промксось тешкстась, што комитетэнтъ эря-ви кочкамс 7 ломаньстэ, голосова-ниянть пингстэ жо сех ламо вай-гельсэ ютыть ансяк 5 ломанть? Лиятнень кис эзь пурнаво весе вайгельтнень пелест.

Комитетэнтъ состав тайной го-лосованиясо кочказекс ловови се-ялгась, кона получаь сех ламо вайгельтэ, но голосованиясонть участиянъ примицятнень эйстэ пе-ледест аволь седе аламо вайгель-тнень.

Кода эно улемс, бути 7 таркас кочказь 5 эли 9 таркас—ансяк 7? Можна теемс истя: 1) кадомс ис-тянь, зяро кочкась промксось ды одов голосования а ютавтомс; 2) истянь кандидатурат, зяро а са-тыть эшо, одов кочкамс одс юта-втомс голосованиясо. Бути омбоцеде голосованиядонть мейлеяк а саты-ця кандидатуратне эзь получа сех ламо вайгельтэ эли весе вай-гельтнень пелест, сестэ лоткамс секенъ лангс, зяро кочказь (5 эли 7).

### 7. Можна ли отчетно-кочкамонь промксов нолдамс сеть комсомолеттнэненъ, конат аштить временной учетсо эли арасть комсомольской билетэст, кандидатской карточкаст?

Комсомольской органтнэненъ коч-камонь промксс можна нолдамс ВЛКСМ-нь сеть члентнэненъ ды кан-дидаттнэненъ, конат аштить времен-ной учетсо.

Истят комсомолеттнэненъгак, ко-натнень кемекстынзе уш райко-мось, но арась эшо комсомольской билетэст эли карточкаст,—кочка-монь промкстнэс истя жо можна нолдамс. Кие сынст эйстэ кемек-

стась ВЛКСМ-нь членкс, сень ули голосовамонь правазо.

Промкссонть не могут улемс одс примазь сеть комсомолеттнэ, конань ВЛКСМ-нь членкс эли кан-дидатокс эзизе кемекста эшо рай-комось.

Вообще весе нетъ вопростнэ эрявата башка случайсэнтэ эря-вить решамс тоско комсомолонъ районной комитетэнтень.

### 8. Комитетэнь членкс кандидаттнэненъ кочкамодонть

Первичной организацияхоньсэ, косо улить комитетт, эряви ли кочкамс комитетэнь членкс кан-дидатт? Арась, а эряви. Саты коч-

камс ансяк комитетэнь члент ис-тянь, зяро евтась ВЛКСМ-нь ЦК-нть инструкциясонзо.

### 9. Можна ли кочкамотнень ушодомс комсомольской группатнестэ?

Арась, а эряви. Кочкамотнень эряви ушодомс первичной орга-низациянъ комсомолонъ комите-стэнтъ. Комсомолонъ од комите-

тэсь карми ветьамо цехтнэсэ, учас-ткатнэсэ ды группатнэсэ кочка-мотнень.

### 10. Можна ли комитетэнтъ составс эли конференцияв кочкамс заочно

Прок правила, руководящей комсомольской органтнэс заочна кочкамо а мерькшнить. Но алкук-сонъ тевсэ сеестэ савкшны те эли тона ялганть эли комсомоль-ской организациянъ руководите-ленть кочкамс заочна, бути сынъ

кодаткак тувталонъ кувалт эзьтэ саво промксов эли конференцияв. Эряви кочкамс ансяк сеть ялгат-нень, конатнень комсомолеттнэ парсте содасызь ды конанень пе-де-лев кемить.



## КОМСОМОЛОНЬ ОШОНЬ АКТИВЕНЬ ПРОМКССТО

Июнень 8—9-це читнестэ Саранскойсь мольсь комсомольской ошонь активень промкс ВЛКСМ-нь ЦК-нь III-це пленумонть итогнэ-де. Кочкамонь од системанть коряс советнэс кочкамотненень комсомольской организациятненень анокстамодо ды комсомолсонть политико-воспитательной роботанть асатыкстнэде докладонть теизе ВЛКСМ-нь обкомонь секретаресь **Родионова** ялгась.

Родионова ялгась эсинэ докладсонзо педес-пес, конкретной примерсэ эзинэ евта ВЛКСМ-нь обкомсонть ды областной весе организациясонть политико-воспитательной роботань асатыкстнэнь. Эзизе евта сень, мекс тейневкшныть неть асатыкстнэ, кода сынст маштомс ды кода конкретна, практически кундамс комсомольской организациятненень кочкамонь од системанть коряс советнэс кочкамотненень анокстамо. Родионова ялгась истя жо валгак эзь евта комсомольской органтнэнь тайной (закрытой) голосованиянть коряс кочкамотненень анокстамодонть ды сынст ютавтомадонть.

— Эряви меремс видстэ, што Родионова ялгась эсинэ докладсонзо анокстась аволь ламо шкас ды аволь серьезнойстэ. Ошонь активентень истямо отношениясь ков-как а маштови,—корты **Борисова** ялгась.

Ламо комсомолецт критиковасть комсомолонь обкомонть ды горкомонть роботаст. Таргасть лангс сынст роботасо ламо асатыкст, невтсть, кода эряви маштомс неть асатыкстнэнь.

**Арбузов** ялгась (райисполкомонь организациясонть) кортась, што горкомонь роботиктнэ овси сезевсть колхозной комсомолецтнэнь ды од ломантнэнь эйстэ, што велесэ сехте ламо комсомолецт политически аволь грамотнойть, сын советнэс кочкамотнестэ могут кадовомс пуло пес. Горкомонь роботиктнэ жо (**Левин, Локтаев, Дьяков** ды лиятне) велень организациятнес молеманть ды тосо политтонавтнемань ладямонть таркас—а лисниткак горкомсто, сехте ламо шка ютавтять эрвва кодат заседанияисо.

Наркомфинэнь комсомолецтнэнь тонавтнемадо **Рогошков** ялгась мерсь, што тосо 1937 иестэнь овси эзть ютавтне политзанятият. Чумось тенсэ васняк комсомолонь ошонь комитетэсь секс, што эзь макст пропагандист.

Теке марто эряви тешкстамс сеньгак, што Рогошков ялгась вейкеяк вал эзь евта комсомольской организациясонть революционной бдительностенть емавтомадонзо. Тосо жо ламо иень перть тейнесь эсинэ гнусной тевензэ народонь врагось, махровой троцкистэсь **Ляхов**.

Пединститутонь студентэсь **Семков** ялгась кортась седе, мекс сынст организациясо кой-кона кружоктнэсэ 4—5 ковт а эрсить политтонавтнемат.

— Те ансяк секс,—корты сон,—пропагандистэкс тозой аравтозь комсомолонь обкомонь башка роботиктнэ. Вана обкомонь секретаресь **Иванов** ялгась аравтозь миненек пропагандистэкс. Но сон минек кружоксо эзь ютавто вейкеяк занятия ды остаткань пелев овси отказась те тевденть. Занятиятнэнь сезнеманть кис, монь койсэ, эряви сермадомс резолюциясонть **Иванов** ялганть коряс.

Комсомолонь обкомонть ды горкомонть роботасот асатыкстнэнь критиканть кис ялгатнень эряви

шнамс. Те пек паро тев. Но сынст кортамосот овси берянь се, што неть ялгатне вейкеяк валсо эзизь критикова эсист пряст беряньстэ роботанть кис. Истя жо сын эзизь евтне сень, кода сын те промкстонть мейле сеске жо арсить кундамс советнэс кочкамотненень анокстамо, эсь мельгаст од ломантнэнь ветамо.

Активенъ промкссонть ульнест истякак кортницят, конатне эсист нузякс-чист, мезтькак а тейнемаст арсизь кекшемс „вообще“ кортамосо, кинь бути чумондомасо. Седеяк берянь, зардонть, кода тест мерить активистнэ, шнасть эсист роботаст. Истятнэнь юткс эряви ловомс „Комсомолонь вайгаль“ газетань сотрудникенть, ошонь комитетэнь бюронь членэнь **Васькинэнь**. Сон кувать лабордэ, шнась горкомонть, што, бую, горкомось парсте ладизе политикомассовой роботанть ошонь комсомолецтнэнь ютксо. Зярд жо кевкстизь сонзэ, мезе сон, горкомонь бюронь членэсь, тейсь тень коряс, **Васькин** те репликанть каршо отвечась:

— Мон жо не могу эсинь прям чаваю.

Секскак горкомонь роботиктэсь **Васин** ялгась эсь валсонзо мерсь, што „Васькин лаборды эрвва кодамо промкссо, вечксы сон лабордоманть, но конкретной роботанть сон а вечксы ды зярдояк а кундси черновой роботанть“.

Политически аволь выдержанной выступления тейсь пединститутонь комсомолонь комитетэнь секретаресь **Зубков**. Сон мерсь, што „институтонь комсомолецтнэнь революционной бдительностэ остаткак шкастонть пек кассь“. Тень эйстэ лиссь, што беспечностенть каршо а мезть туремс ды седе тов бдительностентькак а мейсь кепедемс.

Пединститутонь комсомольской организациясь сень таркас, штобу кепедемс революционной бдительностенть, маштомс беспечностенть, — самоуспокоились, эзизь нее эсист вакссо аштиця ды роботыця троцкистнэнь **Сумбаевень, Рябовонь, Гусевень** ды народонь лия врагтнэнь, конатнень ливтинзе лангс остаткак шкастонть аволь комсомолонь организациясь, но НКВД-сь. Комсомолонь комитетэсь мик кодаткак выводт тень эйстэ эзь тее. Ды эщо седеяк берянь се, што **Зубков** эсь валсонзо мусь смелость яволявтомс ошонь комсомольской активень промкссонть, што сын сатышкасто кепедизь бдительностест.

Активенъ промкссонть ульнесь таргазь лангс, што кода ошонть, истя жо велетнесэяк малав вейкеяк комсомольской организация кода эряви эзь кунда ВЛКСМ-нь ЦК-нь III-це пленумонть решениятнэнь тонавтнеме, кочкамонь од системанть коряс советнэс кочкамотненень анокстамо. Минек республикасонть те шкас овси а содыть ды аламодо содыть сермас 16 тышат од ломанть ды 4 тышат комсомолецтнэнь туртов апак организова политтонавтнема. Тень комсомолонь обкомсо ды горкомсо те шкас ловить нормальной положениякс.

Кочкамонь од системанть коряс кочкамотненень анокстамо весе комсомолецтнэнь ды васняк **Мокшэрзянь** ВЛКСМ-нь обкомонть ды ошонь комитетэнтень эряви маштомс политической беспечностенть, большевистскойкс ладямс од ломантнэнь коммунистической духсо воспитаниянть, тонавтнемс большевизманть.

**А. Мартынов.**



Парижсэ всемирной выставкасэ

СНИМКАСОНТЬ: французской правительствань генеральной комиссаронть кортамозо всемирной выставкасонть советской павильононть панжомсто. (Союзфото).

## Кеместэ критиковасть райкомонть роботанзо

Маень 5-це чистэ **Дубенкань** комсомолонь райкомось ютавтсь районной комсомольской активень промкс, косо толковазель вейке вопрос: кочкамонь од системанть коряс советнэс кочкамотненень ВЛКСМ-нь организациятненень анокстамодост ды комсомолсонть политико-воспитательной роботанть асатыкстнэде.

Те вопросонть коряс комсомолонь райкомонь секретаренть **Буянов** ялганть докладтонзо мейле, ушодовсть прениятне.

Прениясо весе кортыцятне кеместэ критиковасть райкомонть роботанзо, башка роботиктнэнь роботаст ды критиковасть эсист роботасткак.

Эряви тешкстамс, што воспитательной роботась од ломантнэнь ды седеяк пек од тейтерь-аватнэнь ютксо ладзэ пек беряньстэ.

Пионерогделэнь заведующеесь **Лемаев** ялгась критиковасть комсомолонь райкомонь секретаренть **Буяновонь** роботанзо. Сон тешкстась, што **Буянов** овси лавшо руководства вети пионертнэнь ды политтонавтнемань отделтнэнь лангсо. **Лемаев** кортась лия асатыкстнэдеяк, кода, примеркс, комсомолецтнэнь а содамодо.

— Вана, **Николаевань** комсомольской личной тевензэ райкомсо арасть. Райкомось а содасы, комсомолка ли **Николаева**? Но апак вант тень лангс, **Буянов** макссь тензэ направления „Сталинская трибуна“ райгазетань редакцияс роботамо.

Истя жо ламо кортасть **Буяновонь** ды райкомонь роботиктнэнь администрированиядост, гастролерствадост ды бюрократической методсо руководствадост.

**А. Щеглов.**

## „Ужо течи—ужо валске...“

Мон, **Кабай** велень средней школасо тонавтницясь умок уш карминь анокстамо эсь прям комсомолс.

Ней ловнан ВЛКСМ-нь программанть ды уставонть. Эряви меремс, што эстенъ стака анокстамс комсомолс, тесэ эряви лезкс комсомольской организациянть пельде, конась аволь союзной од ло-

мантнэнь ютксо а вети овси кодамояк работа.

Аволь весть вешинь комсоргонть **Хрипуновонь**, штобу сон лездаволь тень, но лезксэсь яла алтневи:

— „Ужо течи—ужо валске“,—отвечи **Хрипунов**.

**Н. П. Шишкин.**

**Дубенкань район.**

## Мезтькак а тейница организацият

**П. Березник.** Пермизь велесэ колмонест комсомольской организациятне мезтькак а тейнить. 1937 иенть перть неть организациятнесэ ютавтсть ансяк кавто промкст, политтонавтнемась жо течинь чис апак организова.

Комсомолецтнэ сеестэ кевкстнить комсоргтнэнь **Юртайкинэнь** ды **Нечаскинэнь** седе, зардо сын кармить роботамо, но неть кортнематнэнь комсоргтнэ а кунсолытькак.

**С. Б.**

## Физкультурной пелькстамот колхозсо

Июнень васень читнестэ **Апрак** сино велесэ ульнест физкультурной пелькстамот „**Степан Разин**“ ды „**Красная нуйка**“ колхозтнэнь физкультурниктнэнь ютксо.

Пелькстамотнесэ шожда атлетиканть ды футболонть коряс васень тарканть саизь „**Степан Разин**“ колхозонь од ломантне. Сынст сехте вадря физкультурникэсь **Подпупин** ялгась 100 метратнэнь чинизе 13 секундас, чи-масонть саизе васень тарканть. **Бычков** кирнявть

5 метрань ды 66 сантиметрань кувалмос. **Кирнявтомасонть** **Бычков** саизе васень тарканть.

Футболсо налксеманть коряс пелькстамотне прядовсть 3:0 ловомасо „**Степан Разин**“ колхозной команданть пользас.

Ней кавонест колхозтнэнь физкультурниктнэ анокстыть колхозной физкультурниктнэнь районной спартакиададенть, конась карми улеме те иень июлень васень читнестэ.

**Жаров.**



## ССР-нь СОЮЗОНТЬ ПРОКУРАТУРАСО

НКВД-нь органтне эрва кодамо шкатнесте арестовизь М. Н. Тухачевскоень, И. Э. Якирэн, И. П. Уборевичень, А. И. Корконь, Р. П. Эйдеманонь, Б. М. Фельдманонь, В. М. Примаковонь ды В. К. Путнань. Весе сынст коряс теветь расследованиясь прыдозь ды максозь судс.

Вере евтазь арестовазтне чумондовить воинской долгонть (присяганть) коламосо, родинантень изменасо, СССР-нь народтнэнь изменасо, Робоче Крестьянской Якстере Армиянтень изменасо.

Следственной материалтнэнь коряс установлено, што неть чумондовицятне, истя жо Я. Б. Гамарник, кона маштызе эсь прыно, сюлмавозельть антигосударственной связсэ омбо масторонь вейке государствань руководящей военной кругтнэнь марто, кона государствась вети СССР-нтень отношениясонть аволь дружественной политика. Те государстванть военной разведканзо кедьсэ службасо улезь, чумондовицятне секе теветь евтнэнь те государстванть военной кругтнэнь шпионской сведения Якстере Армиянтень состоянидонзо, ветясть вредительской работа Якстере Армиянтень виензэ лавшолгавтоманть коряс, снартнесте анокстамс Якстере Армиянтень поражения СССР-ть лангс военной нападениянь шкантень ды эсист целекс аравтнэнь сень, штобу лездас СССР-сэ помещиктнэнь ды капиталисттнэнь властенть мекев нолдамонтень.

Весе чумондовицятне сынст яволявтозь обвинениейтнесэ целанек эсь прыст ловизь чумокс.

Те теветь ванномазо ушодовсь июнень 11-це чистэнь ССР-нь Союзонтъ Верховной Судонь специальной судебной присутствиянь судебной пекстазь заседания истямо составсо: председательствующее — ССР-нь Союзонтъ Верховной Судонь Военной Коллегианть председателесэ Ульрих В. В. ялгась ды присутствиянь члентнэ — СССР-нь Оборонань Наркомонтъ заместителесэ РККА-нь Воздушной Вийтнэнь начальничесэ омбоце рангонь командармасэ Алксникс Я. И. ялгась, Советской Союзонтъ маршалось Буденный С. М. ялгась, Советской Союзонтъ маршалось Блюхер В. К. ялгась, РККА-нь Генеральной штабонтъ начальничесэ васенце рангонь командармасэ Шапошников Б. М. ялгась, Белорусской военной округонь войскантень командующеесь васенце рангонь командармасэ Белов И. П. ялгась, Ленинградской военной округонь войскантень Командующеесь омбоце рангонь командармасэ Дыбенко П. Е. ялгась, Северо-Кавказской военной округонь войскантень командующеесь омбоце рангонь командармасэ Каширин Н. Д. ялгась ды Сталин лемсэ 6-це кавалерийской казачьей корпусонтъ командиресэ комдивесэ Горячев Е. И. ялгась.

Тевесэ кунсолови се порядканть коряс, кона аравтозь 1934 иень декабрьнь 1-це чинь законсонть.



Альмериянтъ лангс германской флотонтъ пиратской каявомась

СНИМКАСОНТЬ: Альмерия ошось, конань маень 31-це чистэ зверски бомбардировизь германской военной кораблянтне.

## ИСПАНИЯСО ФРОНТТНЭВА

Июнень 8-це чистэнь фашистской кавтомоторной 5 самолетт бомбардировизь Бадахос провинциясонть Мадельина ды Менчабреля оштнэнь гражданской населенинть. Бомбардировканть пингстэ ламо ломанть маштозь, сехпек аватнэнь ды эйкакштнэнь юктсто. Фашистской 6 лия самолетт секе жо чистэнь бомбардировизь До-Бенито ошонть.

Эскартеронь районсонть (астурийской фронт) республиканской

войскантне ютавтсть атака ды мятежникинэнь юктсто ламо маштсть ды ранясть. Саезь пулемет ды ламо ружият. Леона районсонть республиканецтне мятежникинэнь пельде сайсть ламо ручной гранатат ды военной лия снаряженият.

Гвадалахара провинциянтъ пелеве ено (центральной фронт) республиканецтне виевстэ эцить икелев, мятежникинэнь юктсто 60 солдатт сайсть пленс.

(ТАСС).

## Испаниянь оборонань министерствась — Ивиса провинциясонть инциденттэнь

Испаниянь оборонань министерстванть секретариатось печатась истямо яволявтомас: „Сень кис, штобу теемс влияния международной кругтнэнь лангс ды общественной мнениянтъ таргамс ве енов Альмериянь гражданской населениянтъ лангс варварской каявоманть эйстэ, — Германской официальной агенстватне ды газетатне нолдтнэнь а виде кулят, будто самолеттнэнь, конат Ивиса портсонть ертгсть бомбат „Дейчланд“ крейсерэнтъ лангс, ветясть будто русской летчикт. Оборонань министерствась яволявты (ды может доказать тень), што весе сетне, конат ульнесте те ливтямонть теиця бойкасто ливтница кавто бомбардиров-

щиктнесэ, — испанецт. Эскадрильянь командиресэ получась сермасо приказ лездас минек самолеттнэненъ, конатнененъ се вестэнь мерезель теемс атака Ивиса островонтъ лангс, тень сынъ теизыгак. Теке марто самолеттнэненъ эриволь бу теемс ансяк разведка, сынст ульнесте указанияст ютавтомс атака ансяк се случайстэнь, бути фашистской суднатне каявольбу бу республиканской суднатнэнь лангс, истя жо должны ульнесте отвечаемс куш кодамо атаканть лангс, конань объектэкс сынъ улелельть бу иневедьстэ эли мода лангсто. Те приказось точна топавтозель.”

(ТАСС).

## Краснослободской педучилищасэ

## Яволявты тонавтницаань примамо

1937-38 ТОНАВТНЕМА ИЕНТЕНЬ ВЕСЕ КЛАССТНЭС

Педучилищанть примавить ломанть 15 иестэ 35 иес, конатне прыдсть аволь полной средней школа. Тонавтнеме сыцятнэненъ, педучилищань дирекциянтъ лемс эриви максомс заявления марто истят документт:

Свидетельства шамомадо  
Свидетельства образованиядо  
Справка шумбра-чиде;

Кавто фотокарточкат  
Ды анкета тонавтнеме сыцятнэнь туртов.

Августонь 22-це чистэ 29-це чис тонавтнеме весе сыцятне ютыть испытаният (аволь полной средней школань программанть кис) истят предметтнэнь коряс: рузонь кель ды математика (устно ды письменно), обществоведения ды география (устно).

Мокшэрзянь отделенияс сыцятне ютыть испытаният родной келенть коряс. Ломантне, конатне максызь испытаниянтень весе предметтнэнь коряс, кармить лововомо васень курсонь студентакс, максови тест общежития ды ули столовой. Конатнэнь улить мелест молеис II-це ды III-це курстнэненъ, сетненэнь теевить испытаният сеть курстнэнь программаст коряс.

Краснослободск, МАССР, педучилища.

Дирекциясь.

## ИСПЫТАНИЯТНЕ МОЛИТЬ ПАРСТЕ

Чамзинка. Средней школасонть испытаниятне пачколить уш прыдовома малав. Васень читнестэ саезь уш сынъ молиуть парсте, Кода письменной роботатнесэ, истяжо устнэнь, тонавтницятне макснить эрва кевкстеманть лангс чаркодевикс ды виде ответ. Испытаниятнэнь беряньстэ максыцят малов овси арасть.

Вана примеркс, 9-це „А“ классонть эйсэ 27 тонавтницятнестэ рузонь келенть коряс кемсисемгетне получасть отличной отметкат, весе лиятне — парт ды посредственно. Истя жо ашти теветь лия класстнесэяк.

Тонавтницятне эрва предметэнь коряс испытаниятнэненъ анокстакшныть парсте. Поکش лезкс макснить преподавательтне.

Н. Симдянов.

— 000 —

## Кие салси газетатнэнь?

Покш Березникень район. Судосевасо ули почтань отделения, тов газетатнэнь, серматнэнь, посылатнэнь мельга якить маласо велень почтатне. Якси Пермизь велень почтаресыкак — П. Морозкин. Сон весе почтанть уски мешоксо, кона эрси печатазь сургучсо.

Кодак карми газетатнэнь явшеме, ламо сермадстыцятнэненъ асатнэнь. Те эрси малав эрва чистэ. Маень 10-це чистэнь эсть сато зярый экземплярт „Известия“ ды лия газетат. Маень 13-це чистэнь 2 экз. „Красная Мордовия“, 2 экз. „Эрзянь коммуна“. Маень 14-це чистэнь — таго „Известия“ ды 3 экз. „Эрзянь коммуна“.

Малав эрва чистэ Морозкин Судосевань почтань отделениясонть Романова ялгантень евтни, што а сатнэнь газетат, но Романова пикакады Морозкин лангс ды весе. Газетатне жо яла емсиль. Кие жо салси сынст эйсэ?

Мокшалева.

— 000 —

## Кода мелезэ — истя теи

Ардатовань райононь Куракинань тракторной кинь теамань десятиниксэ Н. Салаяв мезексыкак а лови рабочейтнэнь трудост.

Июнень 5-це чистэ мон тосо роботынь, но сон монень квитанция эзь сермадо.

— А ламо роботыть, тень кис квитанция а максан.

Се чистэнь квитанцият истя жо эзь сермадо К. Мамаева ды Е. Мамаева колхозницятнэненъ.

Трудочитнэньгак путни кода понгсь. Маень 19-це чистэ кшнинь коймсэ чувинек полотна — 185 квадратной метрат. Те роботанть кис сон сермадсь 5,28 трудочить. Маень 20-це чистэ теке жо роботасонть чувинек 230 квадратной метрат. Тень кис Салаяв квитанциянтъ эзизе сермадо 10 чить. Ансяк июнень 5-це чистэ сермадсь 3,50 трудочить, 185 метратнэнь коряс 1,78 трудочиде седе а ламо.

П. И. Мамаев.

Ташто-Орданьбуе.

Отв. редакторось М. ЛЮПАЕВ